



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Art. 1. Vtrum in Christo fuerit peccatum.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

Qu. 15. De defectibus Animæ à Christo assumptis. Art. 1. Dub. 89

Aduerte; Hos defectus etiam futuros fuisse in statu nudæ nature; nam sequuntur naturalem corporis compositionem. Non tamen dicerentur tunc contrahi; quia non ex aliqua causa accessoriâ & extrinsecâ traherentur: sicut modo dicuntur contrahi, quia ex peccato consequentur.

Petes; An Beata Virgo dicenda sit contraxisse hos defectus? Respondeo; contraxisse: Quia eti non sunt secuti ex peccato quod habuit; secuti tamen sunt ex peccato, quod habuisset, nisi præuenta fuisset: peccauit enim & ipsa in Adamo. Vnde & necessariò peccatum originale incurrit, nisi præuenta fuisset.

ARTICVLVS IV.

**Vtrum Christus omnes defectus corporales hominum assu-
mere debuerit?**

REspondetur; Christus non assumpsit omnes defectus seu infirmitates humanas; sed eos tantum qui sequebantur naturam, & ex peccato

comuni totius naturæ; nec tamen perfectioni scientie, vel gratiae repugnabant.

Vnde Primò, Non assumpsit ignorantiam, nec proclivitatem ad malum, vel difficultatem ad bonum. Nam eti hæc sequuntur peccatum originale; tamē impedient opus Redemptionis, & delectent Christum, & repugnant perfectioni, scientie, & gratiae.

Secundò, Non assumpsit ullam morbum; vt febrim, apoplexiā, lepram, paralysin &c. quia hi morbi non sequuntur immediatè ex peccato originali, aut ex conditione naturæ nudæ; sed ex particularibus causis, scilicet ex prævâ humorū temperie, vel ex aliquâ imprudentiâ aut ignorantia in regimine corporis. Vnde sequitur Christum naturæ relictum, fuisse moriturum sine ullo morbo, naturali extincione caloris nativi, & consumptio humidi primogenij.

Tertiò, Similiter nec assumpsit cœcitatē, surditatem, aut ullam desformitatem. Nam hæc ex particularibus causis sequuntur: nō autem immediate ex naturâ nudâ, vel peccato originali. Adde; Hac minimè deuise Christum; nec quidquam conferre potuisse ad nostram redemtionem.

QVÆSTIO XV.

De defectibus Animæ à Christo assumptis.

In Decem Articulos dimis.

ARTICVLVS I.

Vtrum in Christo fuerit Peccatum?

REspoñdetur; Nullum in Christo fuisse Peccatum, nec parvum, nec magnum. Est certum & fide tenendum. Probatur Primò, Ex varijs Scriptura locis Ioan. 8. v. 46. *Quis ex vobis arguet me de peccato?* Ioan. 14. v. 30. Venit Princeps mundi huius, & in me non habet quidquam. 2. ad Cor. 5. v. 21. *Eum, qui non nouit peccatum, fecit pro nobis peccatum;* id est, hostiam peccati: quomodo Olea 4. Sacerdotes dicuntur manducare peccata populi, id est hostias pro peccatis oblatas. Isaia 53. Qui peccatum non fecit, nec invenit dolus in ore eius. Ad Hebr. 4. Tentatus per omnia pro similitudine absq; peccato. Et c. 7. Talis enim decebat ut nobis esset Pontifex sanctus, innocens, impollutus, segregatus a peccatoribus. 1. Petri 2. v. 22. Qui peccatum non fecit, nec invenit dolus in ore eius. Idem patet ex Concilijs, & omnibus Patribus.

Probatur Secundò Ratio: Primò, Christus assumpsit nostros defectus ob tres causas. Prima, Ut pro peccatis satisfaceret. Secunda, Ut veritate naturæ humanæ demonstraret. Tertia, Ut præberet perfectum exemplum omnis virtutis. Atqui peccatum ad nihil horum præstandū iuuabat, sed potius impediens satisfactionem pro nobis, & exemplum virtutis. Dices, Debebat dare exemplum pœnitentie, sicut David: ergo &c. Respondeo; Dediisse perfectissimum exemplum pœnitentie, dolendo non de suis, sed de alienis peccatis; & pro illis satisfaciendo.

Secundò, Christus venit ut omnino tolleret peccatum: ergo non oportebat ut illud admitteret. Vnde ad Hebr. 7. v. 26. *Talis enim decebat ut nobis esset Pontifex, sanctus, innocens, impollutus, segregatus à*

peccatoribus, & excelsior cœlis factus: qui non habet necessitatem quotidie (quemadmodum Sacerdotes) prius pro suis delictis hostias offerre, deinde pro populo. Hoc enim fecit semel, se offerendo. Lex enim homines constituit Sacerdotes infirmitatem habentes: sermo autem iurisrandi qui post (Græcè xata, suprà) legem est, Filium in aeternum perfectum.

Tertiò, Christus venit ut daret nobis legem, & ostenderet viâ perfectionis. Vnde Ioan. 8. *Quis ex vobis arguet me de peccato?* si veritatem dico vobis, cur timori. non creditis mihi? Prorsus autem indecens fuisset, si vel contra suam legem, vel perfectionem vitæ, aliquid admisisset.

Quartò, Quia à principio fuit perfectus gratiâ, & visione beatificâ: ergo omnino impeccabilis. Ex his patet, Christum non tantum non peccasse, sed iuxta legem ordinariam ne potuisse quidem peccare. Sed est

DVBIVM.

An nullo modo fieri potuerit ut Christus in naturâ assumpta peccaret?

Drvandus in 3. d. 12. q. 2. existimat humanum Verbo unitam potuisse per absolutam Dei potentiam permitti peccare; & hoc peccatum, per communicationem idiomaticum potuisse tribui Deo. Ita ut Deus diceretur peccare, sicuti dicitur pati, mori, resurgere. Eandem sententiam insinuat Scotus eadem dist. q. 1. vbi docet ratione beatitudinis Christum non potuisse peccare; non tamen ratione solius unionis. Quamquam Scotus recte posset intelligi, ut nimis loquatur de nudâ vno-²ne, ita ut illius ratione, nullū auxilium proueniat humanitati. Gabriel autem eadem dist. admittit *Gabriel;* quidem naturam assumptam peccare potuisse, sed hoc peccatum Deo non tribendum.

Hh iii Sed

*Nullum in
eo fuit
peccatum.*

*Peccata
sufficiunt.*

90 Quæst. 15. De defectibus Anima à Christo assumptis. Art. II.

Eiusdem ratione vñionis ita esse confirmatam in bono, vt omnino impossibile esset ipsam peccare. Est certa & communis Doctorum. D. Thomæ hoc loco, & in 3. dist. 12. vbi idem docet Magister, Bonaventura, Richardus, Paludanus, & alii.

Probatur Primo, Ex Scripturis suprà num. 1. allatis, quæ intelligendæ sunt secundum perfæctissimum sensum: id est, quod non solum non habuerit actu aliquod peccatum; sed etiam quod non potuerit habere. Quidquid enim de Deo dicitur, καὶ ἔχοντι exponendum est; vt multis locis docet Dionys. lib. De diuinis nominibus c. 1. & de mystica Theolog. c. 1. &c.

Probatur Secundo, Ex Patribus. Dionysius lib. De Ecclesiastica Hierarchia cap. 3. parte 3. Si ad ipsum societatem, inquit, aspiramus, oportet nos astidie in sanctam eius vitam, quam in carne egit, intrueri, & imitatione ipsius jacea impeccabilitatem, ad Deiformem & irreprehensibilem habitum recurrere.

Irenaeus lib. 3. c. 5. dicit Christum non potuisse mentiri, quia erat veritas: ergo similiter quia bonitas, non poterat peccare. Ambrosius lib. De Dominicæ Incarnationis Sacramento cap. 7. docet nō esse timendum ne anima Christi peccaret;

per vñionem enim cum Verbo, factam esse impeccabilem, & peccata nostra sustulisse. D. Augustinus lib. De correptione & gratia: Ipsi suscepito talis erat, vt natura hominis à Deo suscepta, nullum motum mala voluntatis admitteret. Et lib. 1. contra duas epist. Pelagianorum cap. 8. Non ob aliud factus est mediator, nisi quia solus ex hominibus non potuit esse peccator. Idem colligitur ex lib. De praedest. Sanctorum c. 15. Hilarius lib. 1. De Trinitate. paulò post principium, multa habet in hanc sententiam, quibus ostendit peccatum Christo omnino repugnare. Anselmus lib. 2. Cur Deus homo, cap. 9. 10. & 16. aperte docet fuisse impeccabilem propter vñionem. Idem docent Patres Graeci. Origenes apertissimè lib. 2. περιπάτων cap. 6. Athanasius lib. De Incarnat. Verbi, post mediū. Cyrillus lib. De fide ad Theodosium non procul à principio, & dialogo 6. de Trinitate. Damascenus lib. 3. De fide cap. 19. Hi omnes docent caufam, cur humanitas Christi nō posset peccare, fuisse vñionem hypothaticam. Vnde patet etiam si non habuisset visionem beatificam, tamen impeccabilem futuram fuisse.

3 Probatur Tertiò, Ratione; Quia si humanitas Christi vñta Verbo, posset peccare, Deus posset peccare: atqui hoc est fallsum: ergo. Dices; Peccatum omnino repugnat Deo, & ideo non potest ei villo modo tribui. Contrà; Si intelligas repugnare Deo, id est, diuinæ naturæ; Sic etiam mori repugnat Deo; & tamen rectè dicitur Deus mori, crucifigi. Si autem, ipsi hypostasi per communicationem idiomatum; petetur principium. Cur enim repugnat hypostasi, si natura in illa hypostasi existenti conuenit? præfertim cum actiones tribuantur supposito, tamquam principio quod; naturæ, vt principio quo. Vnde Durandus concedit Deum posse peccare per communicacionem idiomatum, sicuti potest mori.

Sed hoc nullo modo posse admitti, Probatur Primo, Quia est contra modum loquendi Conciliorum & Patrum.

Secundò, Quia sequuntur hinc magnæ blasphemie; Deus peccat. Deus scipsum odio habet,

Deus est odio & damnatione dignus. Deus se ipsum negat, &c.

Tertiò, Si Deus peccaret per naturam assumptam, non solum per communicationem idiomatum tribueretur ipsi peccatum, sed etiam in ipsam diuinam voluntatem culpa redundaret; quod est hereticum. Quod probatur; Quia quando plures naturæ conuenient substantialiter in unum suppositum, officium & munus supremæ voluntatis Redunda. illius suppositi est, continere in officio & honestate omnes appetitus, & vires inferiores illius carum in suppositi; adeo vt contra honestatem faciat, si hoc negligat; aut permitat inferiores appetitus in malum ferri, quando potest impeditre. Atqui per vñionem hypothaticam humanitas fit propria natura Verbi; & in illo supposito suprema voluntas est diuina, quæ potest regere inferiorem, scilicet humanam, eamque intra limites virtutis continere; ergo ad officium diuinæ voluntatis pertinebat hoc facere, ita vt si omitteret, culpa illi imputaretur.

*Maior probatur Primo, Exemplo hominis, in quo est natura sensitiva & rationalis, & idcirco tenetur per voluntatem rationalem regere appetitum inferiorem, reliquaque vires inferiores. Secundò, Quia ex vna vel multis naturis & supposito, fit simpliciter & absolutè unum ens; in quo, id quod operatur, est suppositum; id quo operatur, est natura, cuiusque potentia. Ergo cura & obligatio benè regendi omnes vires, pertinet ad suppositum quod potest, & ad eas vires per quas id potest: ergo si exorbitent vires inferiores à recto, imputatur supposito, & illi potentia per quam potest. Tertiò, Rectus ordo postulat vt in vna personâ sit unum supremum principium, cuius sit regere vires inferiores illius personæ; aliqui esset magna confusio in vna personâ. Quartò, Suppositum diuinum supplet vicem suppositi humani. Atqui suppositum humanum ad hoc tenebatur, quantum poterat per omnes vires illius suppositi: ergo etiam suo modo suppositum diuinum, & voluntas diuina, ad hoc obligatur. Dico, *suo modo*, Quia non obligatur ad hoc aliquæ lege; Sicut persona humana, qua lege naturali tenetur: sed natura suâ ad hoc est voluntas diuina determinata; sicut ad dicendum verum, & omnem id, quod ratio veritatis postulat. Potest tamen dici Verbum obligari, quatenus est suppositum humanum, & ratione humanæ naturæ.*

Quarto denique, Deus non potest operari ea, quæ ipsum dedecet; ita vt nullam rationem habent honesti, neq; ad ullum bonum finem fieri possint: atqui peccare in propriâ naturâ assumpta, est tale: ergo &c.

Sed contrà. Objetitur Primo, Permissio talis peccati poterat esse bona; sicut in alijs hominibus soluntur peccatum, est bonum; Confert enim obiectio: ad oftensum libertatis, ad commendationem gratiarum postea erigentis, & ad maiorem laudem bonorum operum: præfertim si is qui potuit, transgreedi, non est transgressus. Ecclef. 31. v. 10.

Respondeo; Permissio peccati in alijs hominibus est bona, ob multas causas; non tamen in naturâ assumpta: quia voluntas naturæ assumpta, bona est in alia, non autem in quod peccatum redundaret in voluntatem incretam, & in personam diuinam: vt oftensum est. Assumpta natura. Ex permissione autem peccati in alijs voluntatis, nihil

No quidem per communicationem idiomatum Dei tribus potest peccare.

Universitäts-

BIBLIOTHEK

PADERBORN

Quæst. 15. De defectibus Anima à Christo assumptis. Art. 1. 91

bus, nihil sequitur quod minus déceat Deum: habet enim se ad illos non ut suppositum, sed ut rector & causa viuens, cuius est permittere res agi suis motibus.

Obijcitur Secundò, Si Angelus assumeret naturam humanam, & per illam peccaret; tale peccatum non redundaret in Angelicam voluntatem: ergo neque hæc in diuinam.

*Si Angelus
in assun-
pta natura
non resiste-
ret peccato
natura
quantum
posset, pec-
catum illi
imputare-
tur.*

Respondeo; Concesso antecedente nego consequiam: non enim est pars ratio; Nam voluntas Angelica non posset moderari suo arbitratu humanam, sicut potest voluntas diuina. Nam voluntas humana non regitur efficaciter à causâ externâ, nisi à voluntate diuinâ. Si tamen ille Angelus non faceret quantum posset ad suam voluntatem humanam à peccato custodiendam, male faceret, & Angelicæ voluntati imputaretur.

*An Christo
potuisse
inesse tac-
sideratio.*

Obijcitur Tertiò, Verbum poterat assumere naturam humanam nudam, eamque solis naturæ viribus permittere: atqui tunc poterat esse in illa natura aliqua inconsidratio, quæ est ferè tota radix peccatorum: ergo etiam inconsidratio voluntatis & operatio. Confirmatur; potuisse esse error seu falsitas in intellectu: ergo etiam prauitas in voluntate.

Respondeo; Etsi Deus potuisse assumere naturam humanâ sine ullis donis supernaturalibus, non tamen sine illa prouidentia & custodia, quæ necessaria erat ad illam infallibilitatem ab omni peccato præseruandam. Hæc enim prouidentia & custodia necessariò debita est illi naturæ ratione vñionis; vel potius, hoc Deus debet infinitè sue puritati & sanctitati; ob rationes dictas.

An error.

Ad confirmationem dici posset, errorem non esse tantum malum, quantum peccatum; cum non auertat à Deo, quando non est voluntarius. Verius tamen est non potuisse illo modo errorem aliquem esse in intellectu natura assunta: quia error est talis imperfectio, quam quilibet prudens vitare debet in proprio intellectu, quantum potest: neque est villa honesta ratio ob quam possit admitti.

*An posse-
rit assume-
re natura
peccato in-
ficiam.*

Obijcitur Quartò, Deus potuisse assumere naturam ex Adamo per seminalem propagacionem; ac proinde contrahere peccatum originale. Item potuisse assumere naturam alicuius hominis in peccato originali, vel mortali existentis; ac proinde illud peccatum retinere. Quo casu diceretur peccator.

*Prius erat
deleñendu
peccatum;
quæm na-
turam co-
inficiam
assumeret.*

Respondeo Negando sequelam; si enim naturam ex Adamo naturaliter propagatam assumpsisset, prius naturâ illam sanctificasset, quæm infecta fuisset. Nam anima prius naturâ vñitur Verbo, quæm corpori; ut supra q. 6. a. 3. At non contrahit peccatum originale, nisi ex contagione corporis; quia non ante contrahit peccatum, quæm existat integer homo, & Adæ Filius: ergo non potuisse illo modo peccatum illud contrahere. Confirmatur; Quia prius vñitur Verbum toti humanitati, quæm ipsa possit sulcipere peccatum; ut patet ex dictis supra quæst. 7. Quod si assumpsisset eam naturam, quæ iam erat in peccato originali, vel mortali; necessariò hoc ipso illud peccatum deleueret. Ratio est, Primo; Quia per gratiam vñionis, illa natura fuisset summè dilecta: atqui omnino impossibile est, ut cum summa dilectione consistat summum odium, vel saltem absolute inimicitia. Secùs est de gratia creata, quæ non

facit summè dilectum: vnde neque omnino necessariò delet peccatum. Potentius enim est peccatum ex natura sua ut reddat exosum, quæm omne donum creatum ex præcisa naturæ conditio, ut reddat dilectum, Verùm gratia Vñionis potentior est ad dilectionem, quæm omne peccatum ad odium. Deinde; quia natura per vñionem accipit summam excellentiam, immo deificatur, & conseqüenter quidquid in ipsa est: atqui hæc excellētia repugnat peccato. Denique; peccatum tale est, ut nullo modo honeste amari possit, aut prudenter à quopiam (qui illud potest à se auertere) permitti. Ergo fieri nequit ut permittatur in naturâ humana.

Hinc Sequitur, neque vitiorum habitus, qui tamen in iustificatis possunt remanere, assimi potuisse; quia nihil habent, cur aliquis prudenter in se illos possit permittere, quando facile potest abolere. Quare si Deus naturam humanam alicui peccatum, vel habitu vitiōs subiectam assumpsisset (quod sanè contradictionem non implicat) necessariò in ipsa assumptione penitus purgata & sanctificata fuisset. Vnde Tertullianus lib. de carne Christi ait: Etsi carnem peccatrium assumpit, faciendo tamen illam carnem suam, fecit non peccatricem.

De reatu peccati, Vtrum assumi potuerit, dubitatur à Doctoribus recentioribus. Sed non est improbabile potuisse assumi. Nam hic reatus nihil aliud fuisset, quæm obligatio satisfaciendi pro peccato in natura ante assumptionem admisso: ut si Verbum assumpsisset naturam, quæ ante extiterat in Petro, in eoque peccauerat, deleta quidem fuisset in assumptione culpa omnis, reatus tamen potuisse retineri. Nam hæc obligatio intrinsecè nihil indecens habet, cum sit ad actum virtutis: sicut patet ex obligatione satisfaciendi, quam nostrâ causâ suscepit. Etsi enim Verbum non possit contrahere reatum per actionem, quæ ipsi ut supposito tribuatur; posset tamen per actionem naturæ assumptæ, quam ipsa habuit in sua persona ante assumptionem. Aduerte tamen hunc reatum, quantuscumque esset, posse vñico actu satisfactorio tolli; quia infinitam vim satisfaciendi habet.

Obijcitur Quintò, Natura vñita Deo per gratiam habitualem, potest peccare: Nam hoc ipso quo peccat, gratia perit, & vñio dissoluitur. Ergo similiter, si ponamus vñionem hypostaticam eo ipso momento dissolui, non erit impossibile naturam assumptam peccare.

Respondeo; Positâ illa hypothesi, Nego Consequiam: Quia vñio hypostatica constituit ipsum personam, cui tribuitur omnis operatio illius gratiae, & quæ necessariò tamquam suppositum influit in opus. Vnde necesse est, eo ipso momento, quo actio peccati elicitor, ipsam vñionem adhuc existere; quia actio elici non potest nisi à supposito: ergo fieri nequit, ut eo ipso instanti, vñio sit dissoluta. Secùs est in gratia habituali; quia hæc non constituit personam operantem, nec influit in opus peccati. Vnde primum momentum quo peccatum existit, est primum momentum quo gratia non existit, supposito perseverante codem.